

JU OPĆA BIBLIOTEKA MAGLAJ
- UPRAVNI ODBOR -

Broj: I/18-26

Datum: 14.1.2026. godine

OPĆINSKO VIJEĆE MAGLAJ

Predmet: Analiza rada JU Opća biblioteka, dostavlja se.-

Poštovani/e,

u skladu sa Zaključkom Općinskog vijeća dostavljenog ovom Upravnom odboru, u nastavku donosimo najznačajnije informacije o radu JU Opća biblioteka Maglaj u prethodnom periodu.

Opis djelatnosti Ustanove:

JU Opća biblioteka Maglaj ima za osnovnu djelatnost bibliotečko - informacijsku djelatnost. Pored toga registrirana je i izdavačka djelatnost, te obrazovanje /ostalo – kursevi, drugi oblici edukacije/.

Bibliotečka djelatnost se obavlja u skladu sa pozitivnim zakonskim propisima, poštujući propisane standarde i normative. Isto se odnosi i na izdavačku djelatnost koja ima svoju zakonsku regulativu.

Prema Manifestu za javne biblioteke UNESCO-a, javna biblioteka je lokalni centar informisanja, koja čini sve informacije i znanja jednostavno dostupnim za korisnike. Zadaci javne biblioteke jesu:

- Stvaranje i jačanje čitalačkih navika kod djece najmlađeg uzrasta
- Podrška individualnom i samostalnom obrazovanju, kao i formalnom obrazovanju na svim nivoima
- Obezbjedivanje mogućnosti za lični kreativni razvoj
- Stimulisanje mašte i kreativnosti kod djece i mladih
- Promovisanje svijesti o kulturnom naslijeđu, poštovanju umjetnosti, naučnim dostignućima i inovacijama
- Mogućnost kulturnog izražavanja u svim umjetničkim vještinama
- Poticanje međukulturnog dijaloga i zaštita kulturnih različitosti
- Potpora usmenoj tradiciji
- Obezbjedivanje pristupa građanima svim vrstama informacija koje se tiču njihove zajednice
- Unapređenje informacionih i kompjuterskih vještina.

U okviru Biblioteke djeluje sedam odjeljenja, i to:

1. Odjeljenje za djecu,
2. Odjeljenje za odrasle,
3. Odjeljenje za obradu knjižnog fonda i COBISS,
4. Zavičajna zbirka i specijalna zbirka stare i rijetke knjige,
5. Čitaonica,
6. Odjeljenje za literaturu na stranim jezicima

7. Odjeljenje za slijepa i slabovidna lica
i sva odjeljenja su radila prema Planu rada Ustanove.

U Biblioteci je zaposleno 7 (sedam) osoba, a broj zaposlenih određuje Vlada Ze-do kantona. Od tog broja, dvije osobe imaju SSS (pomoćni radnik - higijeničar, ložač i dostavljač pošte- i knjižničarski referent). Četiri osobe imaju VSS, od čega dvije osobe su rukovodioci Službi (Služba za rad s korisnicima i Služba za stručnu obradu i COBISS), dvije osobe su bibliotekari u obradi i odjeljenjima (bibliotekar informator), te jedna osoba je magistar nauka i direktor je Biblioteke.

Rad odjeljenja

Svih sedam odjeljenja u Biblioteci radilo je prema Planu rada Ustanove.

U Odjeljenju za djecu upisano je 690 korisnika, a u Odjeljenju za odrasle 435 korisnika, ukupno 1125 stalnih korisnika. Dio čitalaca upisan je besplatno, a dio kroz kolektivni upis na početku godine. Istovremeno, dnevno je kroz oba odjeljenja prosječno prolazilo stotinu do stotinu pedeset korisnika, koje naši zaposlenici opsluže najrazličitijim informacijama.

Svakodnevno se ostvarivao i kontakt sa povremenim korisnicima bibliotečkih usluga (čitaonica, internet, informativne posjete, itd.).

U proteklom periodu Ustanovu su organizovano posjetili učenici osnovnih i srednjih škola (u okviru predmeta maternji jezik i književnost). Učenici su organizovano posjećivali i izložbe koje je organizirala Ustanova. U posjeti su bili u više navrata djeca iz vrtića, te djeca sa posebnim potrebama.

U knjigu inventara u izvještajnom periodu uvedene su 1.242 bibliotečke jedinice. Ova bibliotečka građa je istovremeno i klasificirana, te stavljena na raspolaganje korisnicima. Pored standardne bibliotečke građe, našim korisnicima na raspolaganju su i dva dnevna, jedan sedmični list, te određen broj časopisa.

Kroz Elektronski katalog, u izvještajnom periodu, obrađeno je novih 425 knjiga.

U COBISS bazu podataka unijeti su opisi 1.105 bibliotečkih jedinica. Naša COBISS baza trenutno broji 41.542 zapisa.

Svi zaposlenici doprinose i radu u Odjeljenju za zavičajnu zbirku sakupljajući i obrađujući bibliografske jedinice pronađenih u različitim publikacijama, a koje govore o Maglaju i Maglajlijama. Napominjemo da je ovo težak, spor posao, te da ima izuzetan značaj u razvoju naše Zavičajne zbirke. U izvještajnom periodu fond Zavičajne zbirke obogaćen je sa 127 članaka koji su objavljivani u listovima Dnevni Avaz, Naša riječ, Preporod i Oslobođenje. Članci se odnose na život u lokalnoj zajednici ili na ljude s područja naše Općine. Od toga, 15 članaka se odnosi na aktivnosti Biblioteke. U fond Zavičajne zbirke uvedeno je 75 novih publikacija.

Zabilježili smo i približno 59 jedinstvenih medijskih objava o aktivnostima Biblioteke (FTV, RTV Maglaj, maglaj.net, maglaj.info), pri čemu je svaka od njih više puta dijeljena, a na fb.stranici Biblioteke objavljena su 103 priloga. Fb. stranica Biblioteke ima na mjesečnom nivou 18.000 pregleda. 50% posjetilaca starosne je dobi od 25 do 45 godina što nam je izuzetno važno.

Biblioteka ima aktivan you tube kanal na kojem se nalaze video zapisi iz naše produkcije, a i prilozima drugih tv kuća. Na tom kanalu pratilci mogu pogledati snimke naših najznačajnijih aktivnosti iz proteklih godina.

Budući da program iz kulture nisu naša prioritarna djelatnost, nego samo segment pomoću kojeg promoviramo čitanje i knjigu općenito, važno je napomenuti da zaposlenici Biblioteke Maglaj kontinuirano rade na svojoj stručnoj edukaciji, te da je gotovo sav fond Biblioteke katalogiziran i klasificiran, unesen u bazu COBISS-a i dostupan za pregled putem ove platforme i putem mobilne aplikacije. Također, sav rad s korisnicima obavlja se putem COBISS-a.

Biblioteka Maglaj je jedna od rijetkih javnih biblioteka koja ima i specijalne zbirke: Zavičajnu zbirku, Specijalnu zbirku stare i rijetke knjige, te Zbirku literature na stranim jezicima. Kada je riječ o Specijalnoj zbirci napominjemo da 50-tak vrijednih naslova na teritoriji BiH postoje samo u našem fondu, dok stotinjak jednako vrijednih rarijitetnih knjiga moguće je pronaći osim kod nas još u svega par (obično depozitnih) biblioteka u BiH.

Posebno smo ponosni što je u 2025. godini naš zaposlenik postao član Stalnog komiteta IFLA-e za pravne biblioteke – prvi put u historiji Kantona imamo predstavnika u najvećoj i najvažnijoj svjetskoj organizaciji, te nakon nekoliko decenija, BiH ima predstavnike u ovoj organizaciji (Maglaj, Gazi Husrev begova biblioteka – drugi komitet).

U domenu propagiranja knjige i organiziranju drugih sadržaja iz kulture, izdvajamo:

- Januar 2025. godine Kampanja „Knjiga za sve“ /upis čitalaca u kalendarskoj 2025.godini/, medijsko oglašavanje, plakatiranje, promoviranje u školama.
- 20.1. 2025. godine do 31.1.2025. godine Intenzivni kolektivni upisi učenika svih razreda osnovnih škola s područja općine Maglaj.
- 27.1.2025. godine Program za učenike OŠ „Maglaj“, razred III b u pratnji nastavnice Jasminke Ljevaković.
- 31.1.2025. godine Program za učenika OŠ „Maglaj“ u pratnji učiteljice Melihe Nalić.
- 5.2.2025. godine Otvaranje „Mulabdićevih dana kulture“, učesnici: prof.dr. Enes Durmišević, prof.dr. Orhan Bajraktarević, mr.sc. Omer Nezić, književnik Izedin Šikalo, učenici i nastavnici Paralelne muzičke škole.
- 10.2.2025. godine Promocija knjige „Legat Maglaju“ Radivoja Sužnjevića (izdavački poduhvat Biblioteke). Učesnici: prof.dr. Davor Vidaković, Draško Sužnjević, Azahari Omersoftić.
- 18.2.2025. godine Otvorena izložba „Hasanaginica“, a u okviru obilježavanja 250 godina od prvih zapisa ove usmene balade. Autor izložbe književnik i publicista Fahrudin Sinanović.
- 19.2.2025. godine Program za učenike VI razreda Prve OŠ, u pratnji nastavnice Hane Čaušić.
- 20.2.2025. godine Program za učenike Mješovite srednje škole u pratnji profesorice Aldine Hodžić.
- 21.2.2025. godine Promocija Grafičke novele „Zeleno busenje“, rađene po romanu Edhema Mulabdića. Gosti: autor Emir Isović, urednik Edib Kadić.
- 24.2.2025. godine Promocija knjige „Kamenite prepreke“ autora Ilije Ivešića. Promotica Tanja Žilić, profesorica i učenice Muzičke škole Žepče.
- 25.2.2025. godine Posjeta Mirze Čehajića, stručnog savjetnika za obrazovanje u Pedagoškom zavodu Zenica.
- 26.2.2025. godine Program za učenike III razreda OŠ „Maglaj“, u pratnji nastavnice Jadrance Huseinbašić.
- 27.2.2025. godine Program za učenike OŠ „Gazi Ferhad-beg“ iz Tešnja (80 učenika).

- 27.2.2025. godine Program za učenike JU Gimnazija iz Živinica (60 učenika).
- 3.3.2025. godine Početak Ramazanskih radionica za učenike od prvog do petog razreda osnovnih škola u saradnji sa nastavnicom Arnelom Efendić (OŠ „Maglaj“).
- 10.3-18.3.2025. godine, svakodnevne Ramazanske radionice. Učešće uzeli učenici OŠ „Maglaj“ i Prve OŠ, te nastavnice: Alma Hasanić, Kanita Mulahasanović, Jasminka Ljevaković, Meliha Nalić, Sanida Ahmetbegović, Eldina Bešliagić, Dinka Muharemović (OŠ „Maglaj“), Amra Arifagić, Merjem Đuhera, Selma Mustabašić (Prva OŠ).
- 20.3.2025. godine Program (Ramazanska radionica) za djecu Vrtića „Maglajska mala raja“.
- 2.4. 2025. godine Obilježavanje Međunarodnog dana književnosti za djecu i besplatan upis učenika prvih razreda sučenicima Prve OŠ, u pratnji nastavnica Selme Mustabašić i Emire Kujrić.
- 3.4.2025. godine Obilježavanje Međunarodnog danaknjiževnosti za djecu i besplatan upis učenika prvih razreda sa učenicima OŠ „Maglaj“, u pratnji nastavnica Ervine Čičkušić i Alme Pašić.
- 9.4.2025. godine Program za učenike područnih škola Kosova i Jablanica (Prva OŠ).
- 10.4.2025. godine Stručni skup bibliotekara F BiH – profesija Bibliotekar – učestvovali bibliotekari Biblioteke Maglaj.
- 17.4.2025. godine Promocija knjige „Sreća spava na kraju puta“. Učestvovala: autorica Lejla Delić, promotorica Hana Čaušić.
- 23.4.2025. godine Promocija knjiga „Nijemi krik“ i „Iza rešetaka ljubavi“, autorice Kadife Tahirović.
- 5.5.2025. godine Nakon održanih redovnih izbora u IFLA (svjetska bibliotečka asocijacija), naš bibliotekar Dino Salkić izabran je za člana Stalnog komiteta za pravne biblioteke, što u svijetu bibliotekarstva predstavlja historijski uspjeh. Također, u izdanju Biblioteke, objavljen je stručni priručnik čiji autor je Dino Salkić, a pod nazivom „Digitalno znanje – mogućnosti donošenja pravnog okvira za digitalno znanje u BiH“ – dvojezično izdanje od značaja za pravnike i bibliotekare.
- 21.5.2025. godine Prvi dio programa „Pipijada 2025“ – gosti Jagoda Ilić i Šimo Ešić. Programi za djecu uzrasta do 10 godina realizirani za 300 osnovaca u Kino Sali Maglaj i Holu OŠ „Novi Šeher“ za još 100 učenika sa ovog područja.
- 27.5.2025. godine Posjeta učenika devetog razreda iz Novog Šehera uz adekvatan program.
- 2.6.2025. godine Promocija knjige „Mi, djeca Sarajeva“ Measure Burridge za učenike starijih razreda maglajskih osnovnih škola.
- 15-30.6.2025. godine Pripremne aktivnosti za početak „Ljetnih radionica 2025“.
- 1.7-1.8.2025. godine, dva puta sedmično u tri grupe, radionice je pohađalo ukupno 95 djece. Radionice su prilagođene uzrastu svake grupe, a tematski obuhvataju ekologiju, kulturu sjećanja, poznavanje zavičaja, razvoj čitanja, razvoj motorike i učenje stranih jezika kroz igru.
- 11.8.2025. godine Izložba i program „Predsjednik A. Izetbegović u fondovima maglajske Biblioteke“ – upriličena Izložba do sada neviđenih fotografija iz vremena dvije posjete Predsjednika Maglaju, Izložba knjižnog fonda koji se odnosi na život i rad ove, za BiH, značajne ličnosti, te Cjelovečernji program u kome su, pored ostalog,

svoja sjećanja na susret s Predsjednikom iznijeli ratni načelnik artiljerije Armije BiH Amel Herceg i muzički pedagog Hana Čizmić.

- 15.9.2025. godine U okviru obilježavanja Dana Općine, Biblioteka je organizirala susret zavičajnih autora „Zavičajni autori svome gradu za rođendan“. U programu su učestvovali: Faruk Zupčević, Rašida Muhić, Džeraldina Delić, Lejla Delić, Fuad Čičkušić i Nina Bunjevac Salkić.
- 21.9.2025. godine Promocija knjige Dalile Muratović „Kosmička prašina između nas“, promotori Rašida Muhić i Berina Aličić-Hodžić.
- 1.10.2025. godine Promocija knjige „Koščato“ Hasana Hasića (Maglajlija). Promotori su Hamza Ridžal i Nedim Gondžić.
- 15.10.2025. godine Promocija putopisa „Tragom bosanskih priča istoka“ Hamze Ridžala. Promotor prof.dr. Haris Dervišević.
- 16.10.2025. godine Realiziran program u saradnji sa Recitatorskom sekcijom Hane Čaušić za učenike Prve osnovne škole.
- 16.10.2025. godine Realiziran program u saradnji sa Literarnom sekcijom Amele Hidić za učenike Gimnazije.
- 20-24.10.2025. godine realizacija dijela projekta „Delibegov han: kulturno-historijska i turistička razglednica“. Uz niz programskih sadržaja, Delibegov han je posjetilo u ovom periodu više od 700 osoba.
- 22-24.10.2025. godine Bibliotekari Opće biblioteke Maglaj (tri zaposlenika) učestvovali u radu 4. Internacionalne konferencije bibliotekara u Mostaru.
- 27-30.10.2025. godine realiziran još jedan dio projekta „Delibegov han: kulturno-historijska i turistička razglednica“ uključujući i prvu bosanskohercegovačku promociju romana „Zime zaručnice“ prof.dr. Enesa Karića, uz učešće (pored autora) i promotrice književnice Amile Kahrović Posavljak (29.10.2025). U ovom periodu Delibegov han je posjetilo još oko 200 posjetilaca. Svim posjetiocima su podijeljene edukativne afiše o objektu.
- 28.10.2025. godine Zabavno-edukativni program „Pipijada“ – II dio, realiziran u Novom Šehereu uz učešće nekoliko stotina učesnika – djece i mladih.
- 31-10.2025. godine Posjeta stotinjak učenika škole „Abdulvehab Ilhamija“ iz Kaloševića - Tešanj za koje su u više grupa organizirani posebni programi.
- 18.11.2025. godine Posjeta učenika i profesora OŠ Kamenica – Teslić uz prigodan program.
- 27.11.2025. godine Gostovanje Udruženje osoba oboljelih od karcinoma „Moja istina“ iz Gračanice, uz promociju istoimene knjige.
- 15-31.12. 2025. godine Kampanja (promoviranje čitanja i upis za kalendarsku 2026. godinu) „Tako puno knjiga, tako malo vremena“.
- 23.12.2025. godine Realizacija programa „Nacrtaj svoju zimsku bajku“ u saradnji sa Općinom Maglaj i sve tri osnovne škole.
- 25-31.12.2025. godine Kolektivni upisi učenika osnovnih škola.

☐ Komunikacija s građanima	Biblioteka ostvaruje odličnu komunikaciju s građanima, što je ocjena i samih građana koju su dali kroz dvogodišnje istraživanje Fonda Otvoreno društvo BiH. <u>Medijsko prezentiranje realiziranih aktivnostiII kao oblik komunikacije s građanima</u> S ciljem propagiranja knjige, kulture čitanja, bibliotečke djelatnosti i naše lokalne zajednice /Općine Maglaj/, Biblioteka kontinuirano radi na ažuriranju svoje fb. stranice, na kojoj je u izvještajnom periodu objavljeno 135 priloga. Većina objava je imala više od 1.000 pregleda, pojedine objave i preko 12.000 pregleda. U prosjeku zabilježeno 35 lajkova, kod pojedinih objava i mnogo više. Uz to, mnoge objave su podijeljene i više puta, a uz mnoge stoje komentari koji su uvijek pozitivni. Prema našoj statistici 62,70 % posjetilaca su žene, a 37,30 % muškarci. Video snimci sa događaja objavljeni su na you tube canalu Biblioteke. Stranicu ukupno prati 3.505 osoba, i to iz BiH, Njemačke, Hrvatske, Slovenije, itd. Veliki broj objavljenih događaja doprinosi boljoj posjećenosti Biblioteke. Objave prenose i lokalni portali, pa je doseg mnogo veći. Portali koji prate naše aktivnosti bilo na način da podijele naše objave, bilo da kreiraju vlastite su: federalna.ba, maglaj.net, activezenica.com i drugi. Svi događaji /najava i izvještaj nakon realizacije/ objavljeni su bar na jednom portalu, pored naše fb. stranice. Od realiziranih sadržaja, 50% događaja ispraćeno je prilogima na Federalnoj TV i njihovoj stranici, a budući da portal federalna.ba prati 50.000 osoba, portal maglaj.net preko 20.000 osoba, onda je vidljivost zaista značajna. Radio televizija Maglaj je popratila 90% realiziranih sadržaja, što kroz priloge u Dnevniku i TV Reporteru, što kroz reklamno oglašavanje, koje je vrlo korektno i kreativno. Objave prenose i druge neformalne stranice poput „Sub castro nostro Maglaj“, „Maglajlije“, itd, ali i naši korisnici, tako da je područje Općine u cijelosti pokriveno. Saradnju s drugim bibliotekama, osim kroz programske aktivnosti realiziramo i na internetu, tako da pojedine stranice poput onih biblioteka u Tešnju, Žepču, Usori, Lukavcu, itd, prenose vijesti o dešavanjima u maglajskoj Biblioteci. U printanim medijima /Dnevni avaz, Naša riječ, Oslobođenje, itd./ u
--	---

	izvještajnom periodu objavljena su 12 tekstova o aktivnostima u maglajskoj Biblioteci. Svake godine Biblioteka uz prigodan program i medijsku pažnju proglašavamo čitaocima godine, a sve u svrhu propagiranja čitanja. Osoblje Biblioteke u suradnji sa RTV Maglaj realizira svakodnevni prilog u TV Reporteru „Knjiga dana“ i na taj način promoviramo kulturu čitanja.
☐ Komunikacija s višim razinama vlasti, međunarodnim organizacijama itd.	Biblioteka ostvaruje redovnu i kvalitetnu saradnju sa: - Općinom Maglaj - Ministarstvom za obrazovanje, nauku, kulturu i sport Ze-do kantona - Federalnim ministarstvom kulture i sporta - Fondacijom za bibliotečku djelatnost - Fondacijom za izdavačku djelatnost - Nacionalnom i univerzitetskom bibliotekom BIH - IFLA –om - IZUM Maribor - drugim organizacijama prema potrebi i mogućnostima
☐ Najvažnija dostignuća	- realizirane aktivnosti izvan programskih zadataka - postignuta „vidljivost“ rada Biblioteke na širem području - odlična komunikacija s građanima
☐ Prepreke u radu	- nedostatak sredstava za dalji razvoj COBISS –a, te zastarijevanje informatičke opreme - nedostatak prostora <u>za čitaonicu i skladištenje</u> - pojavljivanje sekundarnih posljedica poplave - nedovoljan broj zaposlenih u odnosu na obim djelatnosti
☐ Unutarorganizacijske prepreke	- nedovoljan broj zaposlenih u odnosu na obim djelatnosti
☐ Prepreke iz okruženja	- <u>Poskupljenje energenata, usluga, materijala</u> - Negativan uticaj okruženja na razvijanje kulture čitanja - Ekonomski iscrpljeno stanovništvo se teško pokreće u smislu interesovanja za edukaciju i kulturnu nadogradnju - Visoke cijene stručne literature
☐ Preporuke za Općinsko vijeće	- Pozivamo vas da podržavate stručno i institucionalno djelovanje u kulturi. - Napominjemo da je kulturu /i edukaciju građana/ potrebno tretirati kao neophodnost, kao bitan segment u očuvanju identiteta zajednice, jezika, tradicije, a ne kao puku potrošnju.

FINANSIJSKI OKVIR

Uvodna napomena

JU Opća biblioteka Maglaj je po svome ustrojstvu u cijelosti neprofitna ustanova i njena djelatnost se finansira na slijedeći način:

1. Vlada Ze-do kantona svake godine svojim zaključkom raspoređuje sredstva za ustanove kulture. Iz tih sredstava, odredbom Vlade finansiraju se bruto plaće zaposlenika, topli obrok, regres, te 6% od iznosa bruto plaća za materijalne troškove. **Ministarstvu za obrazovanje, nauku, kulturu i sport Ze-do kantona redovno**

šaljemo tromjesečne izvještaje o utrošku namjenskih sredstava, te godišnji izvještaj prema obrascu kojeg dostave. Sva sredstva su namjenska i tako se i tretiraju kroz izvještaj. Uredno smo podnijeli izvještaj koji je prihvaćen od strane resornog Ministarstva. U 2025. godini iz sredstava za materijalne troškove namirivali smo sredstva za najnižu plaću.

2. **Općina Maglaj:** u budžetu Općine postoji grant Biblioteka u kojem su planirane stavke za obnovu knjižnog fonda, zavičajnu zbirku, grijanje, materijalne troškove, rad Upravnog odbora, itd. Općina Maglaj dostavlja Biblioteci mjesečne tranše, realizacije je potpuna (100%). I ova sredstva se troše u skladu s namjenom i o tome dostavljamo i redovne izvještaje prema odlukama, te godišnji Izvještaj o namjenskom utrošku istih.
3. Sadržaji iz kulture se finansiraju uglavnom iz projekata kojima apliciramo na Javne pozive Kantona, Federacije, različitih drugih organizacija. Ova kategorija nije fiksna i nije predvidiva. Ukoliko projekat bude prihvaćen, dobijena sredstva su namjenska i troše se prema stavkama u projektu. **Najkasnije 30 dana po okončanju projekta uredno dostavljamo izvještaj o utrošku sredstava prema obrascima i na način na koji to finansijer zahtijeva. Uredno smo podnijeli izvještaje za sva sredstva realizirana u 2025. godini.**

PRIHODI U 2025. GODINI - INFORMACIJA JE NEZVANIČNA DO IZRADE ZAVRŠNOG RAČUNA:

SREDSTVA KANTONA: 291.126,00 (Navedeni iznos predstavlja namjenska sredstva za 2025. godinu, a isti se obračunava i isplaćuje jednoobrazno na nivou Ze-do kantona.)

SREDSTVA OPĆINE: 40.000,00

PROJEKTI OKVIRNO: 10.000,00

U 2025. godinu ušli smo sa koeficijentom za najnižu plaću 1,44, te koeficijentom za najvišu plaću 2,92 i osnovicom od 478,39 KM.

U drugoj polovini godine, koeficijenti su povećani i to najniži 1,85, najviši 3,76. Osnovica je ostala ista.

Koeficijenti i osnovica su određeni Zaključkom Vlade Ze-do kantona, koja je i većinski finansijer biblioteka i općenito ustanova kulture na Kantonu.

Uporedo sa plaćama isplaćuju se svi porezi i doprinosi na plaće i iz plaća. Izmirene su sve obaveze prema zaposlenicima u 2025. godini, osim decembarske plaće koja će biti isplaćena zadnjeg radnog dana u januaru 2026. godine.

Poslovna 2024. godina okončana je pozitivnim poslovanjem. Prema trenutnim pokazateljima, i poslovanje u 2025. godini će biti pozitivno.

FINANSIJSKI POKAZATELJI ZA 2024. GODINU

UKUPNI PRIHODI	304.761.00
UKUPNI RASHODI	303.149.00

Rezultat iz poslovanja:	<u>Sva dobijena namjenska sredstva iz budžeta Ze – do kantona, Općine Maglaj i/ili iz realiziranih projekata su namjenski i utrošena, te su izvještaji o namjenskom utrošku dostavljeni finansijerima.</u>
--------------------------------	--

☒ Dobit	<u>1.612,00 KM</u>
☐ Gubitak	

Dakle, kako smo već naveli, Biblioteka je u cijelosti neprofitna ustanova, ovisna o izdvajanjima iz budžeta kako Općine, tako i Kantona. Dodatne sadržaje realiziramo uglavnom iz sredstava dobijenih kroz projekte, o čemu uredno izvještavamo finansijere.

U centru svih naših aktivnosti su djeca i mladi kod kojih nastojimo razviti osjećaj za knjigu, kulturu čitanja, ali radimo i na tome da odrasle korisnike upoznamo sa mogućnostima edukacije i samoedukacije.

Djecu i mlade motiviramo kroz brojne konkurse gdje nagrađujemo najuspješnije, potom kroz kvizove ili druge vrste edukativnih programa.

Starijima nudimo različite sadržaje iz domena kulture i podstičemo ih da budu aktivni učesnici.

Osim redovnog upisa korisnika, prakticiramo i kolektivni upis za učenike, te besplatne upise za prvačiće svih osnovnih škola.

Sarađujemo sa ustanovama na nivou Općine, te srodnim ustanovama na nivou Federacije i Kantona, te općenito BIH.

Kvalitetnu saradnju ostvarujemo sa Osnivačem – Općinom Maglaj, Ministarstvom za obrazovanje, nauku, kulturu i sport Ze-do kantona, te brojnim drugim organizacijama i institucijama.

Upravni odbor će i u narednom periodu pružiti podršku radu Ustanove te nastojiti unaprijediti i poboljšati njeno funkcionisanje.

Predsjednik Upravnog odbora

Ermin Mulahasanović